

Mokanda nwa Polo oka Baefese Maphoo ma etatele

Polo akomaka mokanda mumu imbele sabaka yo o boloko o Loma. Efese yabaka mokyisi monomono nwa ntina koleka o nkysisi iso ya Azi minere. Polo akomaka mokanda me na pho ya Mangomba ma nkyisi iso ya mambale.

O etee eye ntubo, lowoo lonene eli «sekyele ya Nwaphongo.» Nwaphongo akokya nwango nwe nwa izasa Klisto mokonzi nde monomono wa bikpele biso biakyela yo o ikolo na o se (1.10). Yango mena atata iyamba bato baso, ebe Bayuda na bate bali Bayuda pho ya ibabuya mokyisi nde monomono moli nde nwe mampemza.

O etee eya ibale, Polo kaongye na baanosi babe nde moto monomono ndengye elongoba wango na bomoo pha bee boonyakune na iyangana sa bee na Yesu Klisto.

Pho ya iweninya ndengye ya iyangana sa baanosi bo wabutwa sango nde mokyisi monomono nwa Nwaphongo, Polo akpa bite baato:

- Ingomba sili ndokolo nzoto, Klisto ali ndokolo moto nwa sango.

- Ingomba sili ndokolo ingambi, Klisto ali ndokolo ibanga siphile ingambi siso.

- Ingomba sili ndokolo nwasi wa Klisto.

Na bomoo wateya obokye baanosi basengyesi aangana na Nkolo wa be.

Maphoo mali o mokanda mumu

Baefese 1.1-2: Maloŋa ma etatele
 Baefese 1.3-3.21: Yesu Klisto na Ingomba
 Baefese 4.1-6.20: Bomoo bonyakune o iyan-
 gana na Klisto
 Baefese 6.21-24: Ndongolo

Ibeya

¹ Nga Polo, ooli toma wa Yesu Klisto na phowa ya Nwaphongo. Naekomele bee basantu ba Efese baanole Yesu Klisto.

² Le obokye ngolu na bose pha Ango wa banga Nwaphongo na Nkolo Yesu Klisto ibe na be!

Ngolu eteli na suka

³ Topambole Nwaphongo, Ango wa Nkolo wa banga Yesu Klisto!

Yo owalopambola onte ya Klisto, na mapambosi maso ma molimo maute o ikolo.

⁴ Mena mokyisi sa bokyelamake, Nwaphongo alozinga amba na loolo onte ya Klisto obokye tobe basantu na sa mooya o miyo me.

⁵ Awangaka phanza obokye tobutwe bana bee na nzela ya Yesu Klisto.

Mena bowazingaka phowa elaa ye,

⁶ pho tokumisa nkyemo ye, na ngolu eya lotonza ne onte ya Nwana we wa lozingo.

⁷ Onte ye, toikoo na nzela ya malongo me. Onte ye, Nwaphongo alimbise bofee pha banga, ilongobana na ngolu ye ete eli na suka,

⁸ eya lotonza ne na zebi siso na na malondo.

⁹ Aloteya ibombami ya phowa ye, ilongobana na phowa ye elaa bo wa wangaka yo onte ya Klisto.

¹⁰ Nwango moli obokye wakoka sina imbela me: Nwaphongo amoangyinya maphoo maso maali o ikolo na mali o se pho Klisto abe mokonzi nde monomo.

¹¹ Onte ye me, banga tozwa iyalo sa banga pho Nwaphongo aloolo minyabipha ilongobana na nwango nwe okokyele iso boozingyi phowa ye.

¹² Pho banga tobe o ikumo sa nkyemo ye banga balemelaka oka Klisto phanza.

¹³ Onte ye me, waoka iloba sa phele, Simo Elaa ekyeebikya.

Onte ye me, waanola, emba bamba ekyela elembetele ya Bolobo phalakyelaka yo minyabipha.

¹⁴ Bolobo me eli ndanga ya ilaka samozwa banga oka Nwaphongo. Tomozwa ilaka me siswo wamokandolama banga o boombo, emba tomowene nkyemo ye, tomba na mokumola.

Losambo la Polo oka Nwaphongo

¹⁵ Yango mena, na nga me, waaoka nga ianola sa bee oka Nkolo Yesu na lozingo la bee pho ya basantu baso,

¹⁶ sile iphe mesesi pho ya be, naetangye moto na moto o mabondeli ma nga.

¹⁷ Pho ya obokye Nwaphongo wa Nkolo wa banga Yesu Klisto, Tata owa nkyemo, aephe

zebi saamoeteya na saamokyela obokye omoebe phele na balaa.

¹⁸ Nabondede obokye aweninya saa miyo ma mandondo ma bee pho oebe molemo ye moephe mbela ye, yango eli bonene pha nkyemo ya ilaka se sikabele yo basantu.

¹⁹ Nabondede na obokye oebe phembo iinkusi ya Nwaphongo pho ya banga baanola, kokokana na mwiya nwa bokusi pha phembo ye.

²⁰ Aikyela iso o etoma onte ya Klisto, waamokundola yo onte ya bawe na waamozasa yo o boloo phe o ikolo,

²¹ Klisto ali o ikolo sa Mwiya muso, Bokonzi bosso, Phembo iso na Bonkolo bosso, ali na o ikolo sa mankombo maso maali, ebe o mokyisi mumu, ebe na o mokyisi nwaamoya.

²² Ee, Nwaphongo akyela iso o se ya makolo ma Klisto, amba na mokyela o ikolo sa iso, amoolo ibaa ndokolo moto nwa Ingomba.

²³ Ingomba eli nzoto ya Klisto, onte ya sango Klisto ali muuwosi, onte ya Klisto Nwaphongo ali muuwosi.

2

Bomoo o nte ya Klisto

¹ Phanza bee wabaka bawe pho ya mabunga na masumu ma be.

² Wabaka kobikye o masumu kokokana na manzambe ma mokyisi mumu. Wabaka kokumole mokonzi nwa bokonzi pha phembo iili o mipere. Mokonzi me eli bolobo bofe bookyele unwanwa eye o mandondo ma bana baatombele Nwaphongo.

³ Na banga tobaka o molongyele nwa bato babana me, wamiambyaka banga o phowa ya banga ya bonzoto. Tobaka tokyele phowa ya bonzoto na ya maumunya maabe, emba tokokaka na etumbu ya Nwaphongo ndokolo bato baso.

⁴ Kasi Nwaphongo na ngongo ye iikye, pho ya lozingo le lonene laa lozinga ne,

⁵ ebe na wawaka banga o mabunga ma banga, alophe bomoo na Klisto. Nde phele, bee wabika na ngolu ya Nwaphongo.

⁶ Emba molongo na Klisto, alokundola, amba na lozasa o ikolo, onte ya Yesu Klisto.

⁷ Obokye ateya o bileko biamoya bonene pha ngolu ye na nzela ya bolaa phe pho ya banga onte ya Yesu Klisto.

⁸ Pho na ngolu ye, bee obikyi na nzela ya ianola. Ka teli lowo la be, mena eli nde ikabo sa Nwaphongo.

⁹ Sango tesiute na bitoma, obokye moto amiphambe na sango.

¹⁰ Pho toli bikyelamo ba Nwaphongo, alokyela onte ya Klisto Yesu pho tokokya bitoma bilaa balobongyisela yo phanza.

Baso toanga onte ya Yesu

¹¹ Yango mena, nde koununya bo wabaka bee phanza bapakano o bonzoto. Baabele bee, nde pho ya phota eya mikyela bee o nzoto na maboko ma bato, baebangye ngbotu.

¹² Imbele me, toikaka eba Klisto, toikaka ba bato ba makokyi nwa Isalayele, wabaka babutu, mbunu eyaikaka Nwaphongo onte ya sangola

na bato βε, teyabaka pho ya βε. Toikaka ba na molemo, toebaka na Nwaphongo o mokyisi.

¹³ Kasi unwanwa eye, onte ya Klisto Yesu, βέε baabaka phanza itakye, obuto phenephε pho ya malongo ma Klisto.

¹⁴ Pho, eli yo owa loyelela bose. Bayuda na batebali Bayuda ababuye moto monomō. Waambya yo bomōo phe o ekulusu, Klisto auosi ekuka ya loino eyabaka kyebakabinya.

¹⁵ Waamanya yo mobeko na mitindo na milongō ma nwango, aluka ibuya bato babale moto monomō oomunyakune onte ye mampenza. Yango mena aambya bose.

¹⁶ Waawa yo o ekulusu, Klisto aangyinye Bayuda na batebali Bayuda, ababuye moto monomō, emba amba babongya na Nwaphongo. Na nzela ya ekulusu, abomi loino.

¹⁷ Aesi yaimola Simo Elaa ya bose oka βέε babaka itakye na babaka phenephε.

¹⁸ Pho na nzela ya Klisto, Bayuda na batebali Bayuda, ozwe banga Bolobō nde bonobō, tozwe nzela ya inyolo oka Tata.

¹⁹ Yango mena, tokuli ba babutu naa bato baalekane. Kasi oli na basantu βέε basō nde bato ba lombo, bato ba ingambi sa Nwaphongo.

²⁰ Ingambi saatongama o ikolo sa batoma na baimosi. Emba Yesu Klisto yo mampenza ali ntōndo ya moloo.

²¹ Eli nde o ikolo sa Klisto Yesu, ingambi sisō sitongame, simbe na baa pho ya ibutwa tempelo esantu onte ya Nkolo.

²² Molongō ne, onyōsi na βέε me o itongama elele yōnyō, pho ya ibutwa ingambi sa

Nwaphongo na nzela ya Bolobo.

3

Polo, moto wa ibombami sa Klisto

¹ Yango mena, pho ya bée bapakano, nga Polo, nali moto wa boloko wa Klisto Yesu.

² Bo waokaka bée ndengye eya mpe Nwaphongo etoma pho ya bée, na ngolu eya nzokyela yo,

³ ndengye eya nveninya yo ibombami se, bo wa ekomelaka nga phanza na bokuwe.

⁴ Waatangye bée mokanda njwa nga, okokyi iwene obokye, nali na malondo o ibombami sa Klisto.

⁵ Ibombami me, taika simola bayoo bayoko na bana ba bato bo siweninye yo unwanwa eye oka batoma basantu bée na oka baimosi na nzela ya Bolobo.

⁶ Ibombami me sili bobo: Bapakano babuto na bée bakabi ilaka, banyosi na bée o nzoto me, babuto o mbunu onte ya Klisto Yesu na nzela ya Simo Elaa.

⁷ Nabutwa moto wa etoma ya yango ikokana na ikabo sa ngolu ya Nwaphongo eya mpe yo ikokana na bitoma bia mwiya nwe.

⁸ Nga, oli moto olekyi bokyiky onte ya basantu baso, nazwa ngolu ya iimola bapakano ezwele ya Klisto etekokyi moto ieba na ilimbola.

⁹ Na ya iweninya o saa bozwakye pha ibombami sabomba Nwaphongo minyabipha, yo mokyesi wa maphoo maso.

¹⁰ Pho ya obokye tata unwanwa eye, Bakonzi na Baangyesi bali o ikolo owo, baebe na nzela

ya Ingomba obokye zebi sa Nwaphongo kasiteya na ndengye nzikye,

¹¹ ikokana na njwango njwa kokya yo o bileko onte ya Yesu Klisto oli Nkolo wa banga.

¹² Onte ye me, pho ya ianola se, towo salota moto, tozwe nzela ya isusinya ooli Nwaphongo na bosomi bosu.

¹³ Naongye na bεε me, bεε saphembe pho ya minyoko miikusi miokye nga pho ya bεε, miili nkyemo ya bεε.

Iyeba lozingo la Klisto

¹⁴ Yango mena nakusame na mabongo o boo pha Tata,

¹⁵ mabota maso mali o ikolo na o se, matangye nkombo ye.

¹⁶ Pho ya obokye aephe ikokana na ezwele ya nkyemo ye, aetonza na mwiya, na Bolobo phe, pho ya obokye moto wa bεε owa motema akute,

¹⁷ emba Klisto aya zala o mandondo ma bεε na nzela ya ianola, onte ya lozingo, onyosa nkanga, ophikame na bokusi.

¹⁸ Pho ya obokye ozwe bokusi pha isosolo, bεε na basantu baso, bonene, phaanda, ngomba na bozindo,

¹⁹ na iyeba lozingo la Klisto lolekye boebi bosu, pho ya obokye Nwaphongo aetonza na itondi sisu.

²⁰ Ali na mwiya mokyete onte ya banga koleka ikokyi banga oonga na iumunya, mokyete etoma onte ya banga.

²¹ Nkyemo ibee ne onte ya Ingomba na onte ya Klisto Yesu, pho ya bayoo baso, bobele na bobele. Ame.

4

Nzoto ya Klisto ili nde yonoyo

¹ Yango mena, nga ooli moto wa boloko onte ya Nkolo, naelenza obokye mobesi njwa bee molongobane phele na mbela eya ebanga bee.

² Na imiuya sisoo na na bonyile, na ikanga motema, limbisanaka bee na bee onte ya lozingo.

³ Luka na bokusi ibanza iyangana sa Bolobo saa eyangyinya na nzela ya bose phe.

⁴ Na nzela ya bose, nzoto ili yonoyo, Bolobo bonobo. Nde bomoo, mbela eya ebanga bee eli nde o molemo monomo,

⁵ Nkolo monomo, ianola sonoso, ibatisa sonoso,

⁶ Nwaphongo monomo, yo Ango wa bato baso, ali o ikolo sa baso, o bilele biso na o maphoo maso.

⁷ Kasi monomo na monomo na banga azwa ngolu ikokana na ikabo samophe Klisto.

⁸ Yango mena kawoo obokye:

«Wa baa yo o ikolo, aakya bato o boloko, akabela bato makabo.»

⁹ «Aba!» Kyelukye iwoo bo? Kyelukye iwoo obokye, yambo ya iba, Klisto ataka uta naino nono o se ya manyete.

¹⁰ Moto oouti, ekuli ba nde yo moto obaa o ikolo owo pho ya obokye atonza na munse na ikolo na bolaa phe.

¹¹ Emba eli yo mampenza owa phe nde phele bakyi ikabo sa iba batoma, bayoko baimosi,

bayoko baimosi ba simo Elaa, kasi na bayoko me babanze ba mangomba na bateye.

¹² Na makabo mamana, Klisto aluka iphe basantu makoyi pho bakokya etoma ya bée na pho batongye nzoto ya Klisto.

¹³ Nono obokye banga baso tokome o ianola nde sonoso na boebakye Nwana wa Nwaphongo. Na bomo, banga baso tomokola, tomobutwa baphomba, emba tomokokana na motesi nwa itondi sa Klisto.

¹⁴ Pho ya obokye banga sakula ba ya bana bakoyi bakoyemikye bokyee. Mateya ma ndengye na ndengye etemaalogolo. Etelobengye bato ba malondo maabe bateya mapho ma boole.

¹⁵ Kasi bo towo phele onte ya lozingo, tomokola o mapho maso ikokana na Klisto, yo ooli moto.

¹⁶ Emba ne binango biso ba nzoto baangana. Mantonga maikye maangyinya nzoto, emba wakyele enango yonyo na yonyo etoma ya yango, nzoto kyikole, kyimbe na mitonga yango mampenza onte ya lozingo.

Bomo bonyakune onte ya Klisto

¹⁷ Yango mena, kyeka ikiwo nga na ikiyanole nga onte ya Nkolo: Mobesi nwa bée sakula ba ndokolo bapakano baabengye malondo ma bée matemali na ntina.

¹⁸ Maumunya ma bée mali ma enzombi, bali babutu o bomo pha Nwaphongo pho ya iba saeba sili na bée na pho ya ntema nkusi ya be.

19 Na iba sakula oka sa bε, bamiambye o bondumba, pho ya ikyela maphoo maso maa sokoto na nganga.

20 Kasi pho ya bεε, teli bomo bo waeteyaka bεε Klisto,

21 bo eeni baa nde yo owaokaka bεε bawo, bo baeteyaka nde pho ye, ikokana na phele eli onte ya Yesu,

22 osengyesi ile mobesi nwa bεε mookasi, omimanya na moto owa phanza okomioto na maphowa maabe ma boole.

23 Osengyesi imibuya bato baanyakune na imibongola malondo ma bεε na nzela ya Bolobo.

24 Emba obutwe bato baanyakune, bakyelama na ndengye ya Nwaphongo onte ya bosembo na bosantu boute na phele.

25 Yango mena, ole boole. Moto na moto awo phele na nwebi ne, pho toli nde binango bia nzoto yonoyo.

26 Bo obe na yoo, sakyela masumu. Yoo ya we yango sakoma nono wamokye milangya bunya.

27 Saphε Zabulu nzela.

28 Moto owabaka kaibe, ale iiba, aanole iwene bolosi pha ikyela etoma na maboko me, pho ya izwa mbolo yaikaba na moto ookayee.

29 Iloba sonoso siibe sango satokolo o noko ya bεε, kasi bo wani ba lowoo la iwo, ebe lowoo lolaa, lokokyi ikuya na na iyelela bato balookye ngolu.

30 Saphε Bolobo bosantu pha Nwaphongo ngongo, phaekyela ne elembetele pho ya mokolo nwa ikandolama.

³¹ Maphoo maso maabe, itombo, yoo, nzangaa, bitoo, iso maina imane onte ya b̄εε, na lolengye loso la kabu.

³² Ba na bolaa onte ya b̄εε, obe na motema ηwa ngongo, limbisana onte ya b̄εε bo waelimbisa Nwaphongo onte ya Klisto.

5

Ibika onte ya moo

¹ Yango mena, butwa bamekosi ba Nwaphongo ya bana ba lozingo.

² Ba na lozingo, bo wa ezinga Klisto me, amiambya yo mampenza oka Nwaphongo pho ya banga, ibonza na mbeka ya malasi ma solo mpimbo.

³ Bondumba, sokoto na bo ya ndengye'ye, nganga, teikokyi itangyema onte ya b̄εε bookokyi wango iba oka basantu.

⁴ Tewabongyi na b̄εε obokye owo maloba maakusi, ma bobubusi na manzeya imbe. Kasi ebongyi na b̄εε nde iwo maphoo maiphe Nwaphongo melesi.

⁵ Pho, eba na bolaa obokye, ndumba munsu na moto wa sokoto, na moto wa nganga, ali moto okokumole bikyeko. Etazwe ilaka o bokonzi pha Klisto na Nwaphongo.

⁶ Moto saekatela na maphoo matemali na tina. Pho, eli maso mamana mabangye yo ya Nwaphongo mi baate bamokumole.

⁷ Yango mena, b̄εε saba na b̄εε mbale.

⁸ Pho phanza, wabaka o enzombi. Unwanwa eye, oli moo onte ya Nkolo. Ba ya bana ba moo.

9 Phɔ mbuma ya moo baibangye: Bolaa, bosembo, phele,

10 isosolo maphoo maasambe Nkolo,

11 iba saangana o bitoma ba bato ba enzombi bitebili na tina, kasi iibilɛɛ.

12 Maphoo makyele bato me mi ibombo, mali na ná soo ya imawo.

13 Kasi maphoo maso mate bɛɛ, mamiweninya o saa,

14 emba maphoo maso mawene mali saa. Yango mena bawo obokye:

Umwa, iwe okolale,

langwa onte ya bawe,

emba o ikolo sa we, Klisto amungyengye.

15 Kyeɓa na bolaa na mobesi ŋwa bɛɛ: Samiweninya bibubusi, kasi obe bato ba zebi,

16 bakyelele imbɛle sisi na bolaa, pho nkolo ili mbe.

17 Yango mena, sa ba mangbɛle, kasi oebe phowa iye eli na Nkolo.

18 Bɛɛ salanga maleku, pho maleku kamanya moto o molongo. Kasi otonde na Bolobo,

19 wɔɔɔɔ bɛɛ na bɛɛ onte ya memboo, na zembo, na meembo maute na molimo ma iphe melesi, kumisa Nkolo na membo na ndondo ya bɛɛ eso.

20 Imbɛle siso, o maphoo maso, phekye Tata Nwaphongo melesi na nkombo ya Klisto Nkolo wa banga.

Basi na bampele

21 Bɛɛ baakumole Klisto, ndekomiuuya onte ya bɛɛ.

²² Babasi, ndekotosa bampele ba b̄ēe ndokolo oka Nkolo.

²³ Pho lele ali moto n̄wa n̄wan̄wasi, nde boli Klisto moto n̄wa Ingomba, iyo Mobikye wa nzoto.

²⁴ Kasi, bokomiuya Ingomba oka Klisto, nde bom̄o me babasi basengyesi imiuya oka bampele ba b̄ēe o maph̄o mas̄o.

²⁵ B̄ēe bampele, zinga babasi ba b̄ēe bookozingye Klisto Ingomba, emba amiambya yo mampenza ph̄o ya sango.

²⁶ Pho ya obokye Ingomba sango mampenza sibutwe sisan̄tu, sikunyolame na maa na ná Ilofa.

²⁷ Pho ya obokye yo mampenza ateya Ingomba sa nkyem̄o sitesili na itoni na munkute naa n̄wana ekpele, kasi sibe sisan̄tu na sa mooya.

²⁸ Yango mena, bampele basengyesi izinga basi ba b̄ēe ndokolo nzoto ya b̄ēe mampenza. Moto okonzingye n̄wasi we, kamizingye yo mampenza.

²⁹ Nana mbala moto takokyi iina nzoto ye. Kasi kaizeya, kaibongya bookokyele Klisto ph̄o ya Ingomba.

³⁰ Pho banga tololi binango ba nzoto ye.

³¹ Yango mena, lele amoika nyango na ango, amoangana na n̄wasi we, emba b̄ēe bas̄o babale bamobutwa nde nzoto yon̄om̄o.

³² Ibombami me sili sinene: Nde ph̄ele, nga naw̄o ph̄o ya Klisto na ph̄o ya Ingomba.

³³ Na bokuwe, ph̄o ya b̄ēe, mon̄om̄o na mon̄om̄o na b̄ēe azingye n̄wasi we bokomizingye yo, emba n̄wan̄wasi akumole lele we.

6

Bana na baboti

¹ Bana, ndekotosa baboti ba bée onte ya Nkolo, pho mena eli bosembo.

² «Kumola nyongɔ na ɔngɔ» mena eli mobeko nwa ntubo nwaikyela bée mbunu:

³ «Pho ya obokye obe na bolaa na ná bomɔɔ boanda o mokyisi».

⁴ Emba bée batata, satɔmbya bana ba be, kasi obaɔkɔɔ, ombe na bakosa na mobesi nwa maphɔɔ maute na Nkolo.

Baombo na ba nkolo

⁵ Baombo, ndekotosa bankolo ba bée baa nzoto na boilakye na ná botekyenekye, na ndondo ya imiuya ndokolo oka Klisto.

⁶ Sakyela babona nde bo baekyengyele, bookokyele bato baalukye obokye babasambe, kasi kyela ndokolo baombo ba Klisto baakyele phowa ya Nwaphongo na ndondo ya bée eso.

⁷ Na motema molaa, obakyelele ndokolo kokyelele Nkolo, kasi bato phe.

⁸ Nde koebe obokye bo moto akyesi bolaa, aabozwa oka Nkolo, abe moombo naa abe somi.

⁹ Emba bée bankolo, ndekokyele maphɔɔ masɔ nde bomɔ me oka be. Sa bakanela. Eba obokye Nkolo ya bée na ya bée, ali o ikolo, oka ye tewali mbelekye.

Biñwanele ba Nwaphongo

¹⁰ Pho ya isokye, bée luka bokusi oka Nkolo, na bokusi pha mwiya nwe.

¹¹ Lata biñwanele ba Nwaphongo pho ya itemele zabulu na bitoma be.

12 Phɔ ebasi ya banga teli ya malongo na nzoto, kasi tonwane na Bakonzi, na Makonzi, na Baangyesi ba mokyisi nwa enzombi, na malɔɔ mabe mali o ikolo owo.

13 Yango mena, phila binwanele bia Nwaphongo, phɔ ya obokye o mokɔɔ moobe, olendendale, bɛɛ saenyete.

14 Yango mena, temɛ! Olate phele o mobimbi ndokolo nkamba, bosembo ndokolo mumbombo.

15 Emba, ndokolo bikoto o makolo, olate bonzanga pha ikyemiimola Simo Elaa ya bose.

16 O maphɔɔ masɔ, phila nguba ya ianola, na yango okokyi izimya matumbu masɔ ma nwenya maa ma Munguna.

17 Emba olate eboko ya lobiko na mumphata nwa Bolɔɔ, yango eli iloɔa sa Nwaphongo.

18 Na mabondeli na ná inyongonela siso, nde kobondele na nzela ya Bolɔɔ imbele siso. Phɔ ya bomɔ nde kokyengye, saphembe ibondele phɔ ya basantu basɔ.

19 Ndekobondele phɔ ya nga, obokye wamoin-gola nga munokɔ nwa nga, nazwe iloɔa sa iweninya sa nkaa, ibombami sa Simo Elaa,

20 phɔ ya yango, nali toma eya kanga bɛɛ maphanga na nyɔɔɔ. Ndekobondele obokye nateya na bosomi phɔ ye bo sengyesi nga iteya.

Maphɔɔ ma isokye

21 Tisikiyi, nwebi na nga owa lozingo na owaakolo moto wa etoma o molaa onte ya Nkolo, amoeyimola masimo manga masɔ, phɔ ya obokye oebe na bɛɛ me maphɔɔ maankyekyi na makyele nga.

²² Naetomesi yo nde pho ya bomo, pho ya obokye oebe maphoo ma banga na obokye alenza mandondo ma bɛɛ.

²³ Bose, na lozingo, na ianola siute na Tata Nwaphongo na ná Nkolo Yesu Klisto, ibe na bande.

²⁴ Le obokye ngolu ebe na bɛɛ baso baazingye Nkolo wa banga Yesu Klisto na lozingo lotelounve.

Lobala NT

Lobala: Sangola Eenyakune New Testament

copyright © 2018 Wycliffe Bible Translators, Inc.

Language: (Lobala)

Contributor: Wycliffe Bible Translators, Inc.

All rights reserved.

2025-05-10

PDF generated using Haiola and XeLaTeX on 10 May 2025 from source files dated 10 May 2025

45dc5a8e-f513-5ba3-aad6-e48bd1d5b563